



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 16.12.2020

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà:
Protocol: Oswald Gian Claudio
Fabrica: Paulmichl-Rodigari Albin
Giasst/s:

tractandas	tema	responsabel
1	0120 Executiva Mür da sustegn Plajet Decisiun tribunal administrativ dal chantun Grischun	vp
2	8200 Gestìun forestala Proget uffizi forestal Valsot Sanaziun via Vadrain	am/md
3	0120 Executiva Acconsentimaint protocol	tuots
4	0220 Uffizi da fabrica Dum. da fabrica no. 049/2019, sanaziun chamonna, ingrondimaint intern, batschigl da sarinera, Kirchen-Werro Armon, parcella no. 7068, Flütñas 1-309, 7559 Tschlin	vp/ap
5	7900 Planisaziun dal territori Plan da quartier Plan da Muglin, Ramosch	vp/ap
6	3410 Sport Fittanza/cumprita maschina da far loipa - vias da schlitta e spassegiar Valsot	vp/ap

7	7900 Planisaziun dal territori Dumonda iert. Domenica Fried-S-charplaz / barat da terrain cun part da la parcella no. 6239 a Martina	vp/ap
8	0120 Executiva Orientaziuns	tuots
9	0120 Executiva Varia (suprastanza cumünala)	tuots

0120 Executiva

160 Mür da sustegn Plajet

Decisiun tribunal administrativ dal chantun Grischun

La suprastanza piglia cugnuschentscha da l'andamaint da la procedura e da la decisiun dal Tribunal administrativ Chantunal dals 7 da lügl/25 november 2020. Quel ha decis a disfavur dal cumün. Uossa resta da decider schi's voul trar inavant la decisiun fin avant Tribunal Federal. Davo cha'l gremi ha valütà tuot las opziuns, decida el, in assenza dal capo, da nu trar inavant il cas davant Tribunal Federal.

8200 Gestìun forestala

161 Proget uffizi forestal Valsot

Sanaziun via Vadrain

Il capo spiega ch'el ha gnü üna discussiun telefonica cun Roberto Paravicini. Quel ha dit cha las pretaisas dat allontanar il material in üna deponia vegnan da l'uffizi pella Natüra e l'Ambiaint. Da lur vart saja gnü fat il pussibel, cha tuotenor saja però pussibel da far la dumonda per ün sustegn davart da lur uffizi, scha la sanaziun da la via vegn fatta tenor las pretaisas. Il manader da l'uffizi forestal, Mario Denoth, da speigaziuns in connex cullas pussibilitats chi stan a disposiziun. El manzuna cha a laschar aint il material donnagiavel as cuntrafà a la ledscha. Cha la pussibilità da surtrar la via cun üna vetta d'asfalt exista. In quel connex vegn però pretais chi vegn fatta üna perizzia dal material da la via mo eir da las costas sur e suot la via. Il privel cha tras quella perizzia vegn constatà cha'l material donnagiavel s'ha scumparti eir sper la via, e chi'd es consequentamaing d'allontanar daplü material sco chi'd es previs culla varianta cuntschainta, exista. Avert es eir amo, scha'l material chi ha da gnir allontanà das-cha gnir deponà illa deponia a Bever. Quai nun es amo scleri definitiv, e la dumonda a l'Uffizi Federal da l'Ambiaint (BAFU) es amo averta. Scha quel permiss nu vegn dat, schi s'augmaintan ils cuosts per manar davent il material da maniera schmasürada. Garanti però es, chi'd es proibi da depositar quel material our in Prà Dadoura. Actualmaing as spetta süls resultats da las prouvas chi sun gnüdas tuttas ad incuort. La ditta Caprezi Ingenieure SA da Scuol fa quint, cha tals resultats sun avantman la mittà da schner 2021.

La suprastanza decida da spettar giò ils resultats da las prouvas sco eir la resposta da l'Uffizi pel Ambiaint (BAFU), e da tractandar la chosa cur cha quellas infuormaziuns sun avantman.

0120 Executiva

162 Acconsentimaint protocol

Il protocol da la sezzüda dals 25 da november 2020 vegn approvà.

0220 Uffizi da fabrica

163 Dum. da fabrica no. 049/2019, sanaziun chamonna, ingrondimaint intern, batschigl da sarinera, Kirchen-Werro Armon, parcella no. 7068, Flütnas 1-309, 7559 Tschlin

Per quista tractanda piglia Armon Kirchen s-chüsa.

Our da motivs cha'l petent nun ha fat adöver da la pussibilità da tour posiziun in connex culla disposiziun da toleranza, chi til d'eira gnüda protramissa, decida la suprastanza amo sur da l'otezza da'l chasti. Davo chi'd es scroudà il termin da protesta in connex cun quel, vegn il cas conclüs.

7900 Planisaziun dal territori

164 Plan da quartier Plan da Muglin, Ramosch

In connex culla procedura da plan da quartier Plan da Muglin es gnüda manada tras la procedura da temp da consultaziun. Id han gnü lö differentes discuors ed i sun entrats differentes giavüschs.

La suprastanza va d'accord be per part culs giavüschs. Ella decida cha'ls cuosts da la surfatscha da la via d'access nu vegnan inchargiats in relaziun a las surfatschas a mincha proprietaris singul. A regard la via laterala no. 3 insista il cumün però, cha quella surfatscha va via al cumün, per cha tala via po gnir realisada apaina chi bsögna. Üna lezcha integrala d'üna planisaziun da quartier fuorma l'access süllas surfatscha chi pon gnir surfabrichadas.

3410 Sport

165 Fittanza/cumprita maschina da far loipa - vias da schlitta e spassegiar Valsot

Il manader tecnic orientescha la suprastanza, chi detta problems culla maschina da far pista dal cumün. Cun preparar ils stizis per spassegiar e quels per ir culla schlitta saja gnü constatà cha la maschina fa bler füm e cha la prestaziun dal motor manca. A chaschun d'ün'examinaziun dal motor tras ün mecaniker es gnü constatà, cha'ls cilindrs han blerun massa paca pressiu. Our da motivs cha per far las lavurs da preparaziun pels stizis manzunats bsögna il cumün üna maschina, ed in vista a l'età avanzada da la maschina (23 ons), es gnüda procurada ün'offerta per schoglier il problem. La ditta dumandada ha fat ün'offerta per fittar üna maschina d'ürant la stagiun d'inviern. Quella s'amunta a passa frs. 34'000.00. Quella maschina es dal 2012 ed ha fingià prestà passa 2400 uras. A cumprar ella cuostess quai raduond frs. 137'000.00. Schi's decidess da fittar quella e da prümavaira as gnis a la conclusiun da tilla cumprar, schi gniss squintà il fit plainamaing cul predschi da cumprita offri.

Illa discussiun dal gremi vegnan manzunats argumaints per ün barat sco eir cunter quell'idea. I vegn eir disussionà schi bsögna insomma üna simla maschina per preparar ils stizis. Alternativ füss pussibel da far quellas lavurs eir cun tractors cun üna pala. L'importanza da la sporta es però our da la vista turistica fich importanta, ed i vala da tilla mantgnair. La suprastanza decida in quist connex da nu fittar ed eir da na cumprar quella maschina offrada. Il motor da la maschina existenta ha da gnir revidà. Üna calculaziun demuossa cuosts approximativs da raduond frs. 25'000.00 pella revisiun. Üna decisiun uschè cuostaivla ha da gnir tratta in ün mumaint chi nu's es illas strattas.

7900 Planisaziun dal territori

166 Dumonda iert. Domenica Fried-S-charplaz / barat da terrain cun part da la parcella no. 6239 a Martina

Il capo ed il manader tecnic spiegan la dumonda davart dals eredis Dumenica Fried. Sar Padrot Fried vaiva fingià dumandà per cumprar üna surfatscha da ca. 80 m² dal cumün, per tilla unir cun sia parcella vaschina. Quella surfatscha appartgnaiva tenor sias indicaziuns plü bod a lur famiglia ed els preferissan cha quai gnis darcheu corret. La direcziun vaiva refüsà quella dumonda. Uossa propuona il petent da far ün barat cul cumün. Ils eredis baratessan gugent üna surfatscha da god dad 80 m² cun quella parcella cumünala.

La suprastanza nu va d'accord e decida da rafüsar la dumonda.

0120 Executiva

167 Orientaziuns*Avegnir lō da scoula Valsot*

Armon Kirchen spiega cuort il stadi da las lavurs da la gruppa installada. Actualmaing sun inviadas lavurs d'ellavuraziun d'una proposta pellas masüras da fabrica necessarias. Il böt es da pudair preschantar a la supranza a temp ütil üna proposta.

Implü manzuna el, cha davart da la Butia Ramosch sajan Wanda Hopman e Daniela Riatsch gnüts invers la gruppa da lavur, per discussiunar la situaziun in connex cun locals chi pudessan far adöver a la butia, e quai per plü svelt co pussibel. La situaziun culs fittaders da las localitats da la butia s'ha pegiorada continuant, consequentamaing vegn tscherchada, tenor pussibilità, ün'otra soluziun. In quist connex spiega il capo, cha la direcziun haja eir fingià visità las localitats insembel culla mainascoula. La direcziun saja però da l'avis, cha quellas localitats nu servan da maniera sufficiainta per üna butia. Eir füssan da realisar masüras da fabrica in ün'otezza schmasürada.

0120 Executiva

168 Varia (supranza cumünala)*Cumgià dal supstant Armon Mayer*

Il manader da l'administraziun manzuna cha per Armon Mayer saja quista l'ultima sezzüda d'urant seis temp d'uffizi. In nom da l'administraziun ingrazcha el pella fich agreabla collavuraziun. Per seis avegnir giavüscha el tuot il bun.

Il capo ingrazcha ad Armon Mayer pellas fadias dals ultims 8 ons e til giavüscha tuot il bun pel avegnir.

7556 Ramosch, 07.01.2021



Il capo:

Il manader administraziun: